

REGLUGERÐ

um breyting á reglugerð nr. 12/1971, um menntaskóla.

1. gr.

Við 1. lið 10. gr. bætist ný málsgrein, svohljóðandi:

Hér fer á eftir skrá um námsgreinar í kjarna og kjörsvið, og skal einingafjöldi í hverri grein vera sem næst því, er þar segir.

2. gr.

23. gr. orðist svo:

Rétt til að flytjast milli námsáfanga eða námsára án frekari skilyrða öðlast þeir nemendur, er hljóta eftirtalдар lágmarkseinkunnir (sbr. þó ákvæði 34. gr. um lágmarkseinkunnakröfur á lokaprófum):

3. gr.

Við 24. gr. bætist ný málsgrein, svohljóðandi:

Nú fellur nemandi á endurtekningarprófi í **einni grein** og skal þá skólastjórn heimilt að leyfa honum setu í næsta bekk fyrir ofan, ef fullnaðareinkunn hans er yfir 6.0. Slíka undantekningu má þó aðeins gera einu sinni á ferli nemandans í skólanum.

4. gr.

30. gr. orðist svo:

Þegar kennslu lýkur til fulls í grein, skal gefin **námseinkunn** í greininni. Er hlutverk hennar að sýna, hvar nemandinn er á vegi staddur í greininni, að dómi skólans, er kennslu lýkur í henni. Leitast skal við að gefa þessa einkunn eftir eins föstum reglum og við verður komið í hverri grein og reynt eftir föngum að samræma hana í menntaskólunum.

Lokapróf skal halda í hverri grein, þegar kennslu í henni er lokið að fullu. Það skal eftir þörfum vera yfirlitspróf. Á lokaprófi skal prófað skriflega eftir því sem við verður komið, en auk þess skal heimilt að prófa á annan hátt (munnlega, verklega) eftir því sem þörf krefur.

Skrifleg lokapróf skulu eftir föngum vera hin sömu í öllum menntaskólunum (landspróf).

Einkunn á lokaprófi heitir **prófseinkunn** nemandans í greininni.

Nú hefur nemandi eigi stundað nám nógu lengi í skólanum til þess að fært þyki að gefa honum námseinkunn. Skulu þá áfangaeinkunnir og mat á verklegri vinnu vera hluti af prófseinkunn hans, og skal fyrirfram ákveðið, hve mikill hluti prófs-einkunnar þessir þættir eiga að vera.

5. gr.

Fyrri hluti 34. gr., aftur að næstsíðustu málsgr., orðist svo:

Nemandi hefur lokið stúdentsprófi, þegar hann hefur gengizt undir lokapróf í öllum námsgreinum sínum og fullnægt eftirfarandi lágmarkskröfum um einkunnir:

Námseinkunn og prófseinkunn í hverri grein: 3.0.

Meðaltal námseinkunna og prófseinkunna: 5.0.

Nemandi telst þó hafa lokið stúdentsprófi, þótt tvær einkunnir hans séu undir ofangreindu lágmarki. Á því nemandi, að öðrum skilyrðum uppfylltum, rétt á að flytjast milli námsáfanga og námsára á 1.—3. námsári, þótt einkunn hans í loka-grein (náms- og/eða prófseinkunn) sé undir lágmarki, meðan hann hefur ekki hlotið fleiri en tvær slíkar einkunnir.

6. gr.

Upphaf 2. málsg. 63. gr. (aftur að orðunum „Hlutverk skólaráðs . . .”) orðist svo:

Skólastjórn er skólastjóri og skólaráð undir forsæti hans. Skólaráð skipa aðstoðarskólastjóri, 2 fulltrúar kosnir á almennum kennarafundi og 2 fulltrúar kosnir af nemendaráði, og hafa þeir allir jöfn réttindi. Í skólum, þar sem ekki er aðstoðarskólastjóri, kveður skólastjóri einn mann úr hópi kennara til setu í skólaráði. Fulltrúar kennara og nemenda í skólaráði skulu kosnir til eins árs í senn.

7. gr.

Reglugerðarbreyting þessi, sem sett er með skírskotun til 26. gr. laga nr. 12/1970, um menntaskóla, sbr. 81. gr. reglugerðar nr. 12/1971, öðlast þegar gildi.

Menntamálaráðuneytið, 7. janúar 1972.

Magnús T. Ólafsson.

Birgir Thorlacius.

Nr. 21.

REIKNINGUR**Lífeyrissjóðs bænda.**

Rekstrarreikningur frá 1. janúar til 31. desember 1971.

Tekjur:

Framlag neytenda greitt af ríkissjóði	kr. 16 000 000.00	
Ógreitt framlag neytenda skv. áætlun	— 882 000.00	
		kr. 16 882 000.00
Iðgjöld framleiðenda	kr. 73 243.20	
Ógreidd iðgjöld framleiðenda skv. áætlun	— 11 181 756.80	
		— 11 255 000.00
Framlög vegna eftirlauna:		
Ríkissjóður Íslands	kr. 4 578 411.00	
Stofnlánadeild landbúnaðarins	— 2 747 047.00	
		— 7 325 458.00
Vaxtatekjur		— 210 245.40
		Kr. 35 672 703.40

Gjöld:

Eftirlaunagreiðslur	kr. 7 325 458.00	
Laun og önnur rekstrargjöld	— 984 246.20	
Tekjuafgangur	— 27 362 999.20	
		Kr. 35 672 703.40

Efnahagsreikningur 31. desember 1971.

Eignir:

Búnaðarbanki Íslands, innstæður	kr. 15 299 242.40	
Óinnheimt iðgjöld skv. áætlun stjórnar	— 12 063 756.80	
		Kr. 27 362 999.20